

19090

書說。但以予度之。如是之政黨。雖亦未敢保其必無。果我國之政治家。稍稍進步。則其政黨決不能因地域而存立。蓋政黨者。以主義結合。非以感情結合者也。自主義上觀之。則將來我國之政黨。不外通例所有之二種。即保守黨與進步黨而已。進步黨之主義。不惜犧牲國民之幸福。努力於政治之改革。與國勢之振興。保守黨之主義。則在惜物力。重習慣。持穩健之方針。以改革

政治。增進國勢。是二者之主義。孰優孰劣。孰利孰害。非一時之所能論定。予以謂此二黨者。如車之兩輪。鳥之兩翼。相扶相助。而皆不可缺。進步過驟。則不免流於危險。當以保守主義維持之。保守過甚。則不免流於退弱。當以進步主義調和之。若二黨不失其平衡。則憲政愈形其圓滿。政黨乎。政黨乎。吾當馨香以祝之矣。

環游談薈

(不許轉登)

張元濟

去年、余有環游地球之行、所至之國凡十數、往還僅十有半月、時日短促、而語言又不甚足用、聞見所及、至爲膚末、舟車罕暇、紀錄尤畧、歸國後、友人索觀游記、愧無以應、乃取途中所雜錄者、稍稍整理之、追憶所得、輒爲搜補、隨筆掇拾、漫無體例、亦聊以爲知彼之助而已、至凡屬於教育之事、則別

爲一編、茲不及焉、宣統三年正月張元濟二月初七日自上海起程。經廈門香港。至新嘉坡。入馬來海峽。沿岸行。歷二埠。一司活南。一檳榔嶼。由此入印度洋。至錫蘭島。泊舟於可倫坡。西行。至亞丁。入紅海。泝蘇彝士河。河盡處爲波特塞得。出口。入地中海。越直布羅陀。入大西洋。抵倫敦。始舍舟登陸。居月餘。至愛爾蘭。

歷都伯林及貝耳法斯德兩城。復返倫敦。至多汶。渡英倫海峽。至比利時海口。俄斯坦德。旋往不魯捨拉。比之西南境曰耶波勒斯。南境曰耶慕爾。東南境曰列得。北境曰安多厄爾。比者皆一涉足焉。去比利時之荷蘭。居什文甯根。所至之地曰海牙。曰散戴姆。曰鹿特丹。曰亞摩斯德登。由此至德意志。首柏林。次勒不士格。次德勒斯登。薩克索尼亞邦之都會也。西南行。入奧地里亞境。至巴拉加。其地爲波希米之故都。既至維也納。循多腦河。迤邐至匈牙利。都城曰布達佩斯。蓋歐洲之游。東行至此而極矣。返維也納。復西行。至普斯不羅各。又入於德。至慕尼黑。巴維也拉之都會也。西南行。至瑞士。經兩城。曰蘇黎世。曰盧蘇爾拿。由此入意大利。最先至者曰米蘭。次曰威內薩。次曰佛羅棱薩。次曰羅馬。折而北。至熱那亞。至是而意大利之游畢矣。入法蘭西。僅至巴黎。由加來斯渡海峽。歸倫敦。至蘇當波敦海口。登舟。渡大西洋。至北亞美利加。抵紐約。登岸。由是而華盛頓。而支克哥。而薩克蘭緬多。而舊金山。復登舟。渡太平洋。至哈

瓦連島。其都會曰和諾魯。魯舟行南綫者所必經也。既抵橫濱。陸行。入東京。而奈良。而神戶。復遵航路歸上海。時十二月十八日也。

舟過廈門時。有下艙客一千七百二十二人。云赴新嘉坡及檳榔嶼者。詢以何事往。則云小貿易或作工。然多身無長物者。視其人亦蠢蠢無所知。余不能無疑。以問船長。則曰英禁販奴。且有領事來驗視。必不許也。將行時。英領事率西醫及捕頭登舟。逐一檢視。幾不以人類相待。中國官無一至者。太古洋行買辦邱君語余。每年正二月最繁盛。船大者輒載數千人。小者亦數百。余詢有生還者否。曰什之二三耳。余詢中國官知之乎。曰從不問訊也。既抵香港。客無一登岸者。余益疑之。密詢司機長。究有猪仔否。曰甚難言。同行英友。憤不能平。允助余偵探。一日語余。已婉詢船長。船長謂確有被掠賣者。但不能證實。本人亦絕不聲訴。雖欲拯救而無由云云。船僕駱姓者。廣東花縣人。語余新嘉坡猪仔館。在金鑛牛車水等街。廈門香港等處。皆有經理人。勾引貧民。勸

令出洋謀生。並爲之代給川資。(聞約須銀錢十圓)遣夥押送。沿途守視。既至新嘉坡。入居猪仔館。嚴禁出入。有招工者至。館主與訂工價。議既成。則撥所需人數與之。每人歲得工價。約銀錢四五十圓。然本人一無所得。盡以畀館主。除川資及宿食費外。是一人可贏三十餘圓也。猪仔受雇後。赴英官(漢名曰華民政務司)處訂合同。英官詢被雇者願否。若不願。則繳還館主十六圓。即可自贖。然猪仔至此。安從得錢。亦惟有飲恨吞聲。俯受約束而已。既訂合同。雇主挈之往。或墾荒。或開礦。工作之苦。殆難言狀。滿一年。去留可自由。如續訂雇約。則工資可爲已有。然前此一年之中。不名一錢。偶有所需。必貸諸雇主。雇主輒勒展受雇期限。尤可痛者。則凡猪仔羣集之處。無不有妓寮賭場烟館窟穴其間。若輩庸愚。烏知自愛。身入其境。大半沈溺。耗財愈多。積債愈重。而雇主之束縛。永無了期。間有能自振拔者。似可有出於幽谷之望矣。不幸雇主不仁。又爲之轉售他處。呼籲無門。隱忍受命。其展轉而死於溝壑者。不知凡幾矣。吾


聞此言。吾愈心痛。偶至下船閒步。以不通廈門語。無從問訊。與之筆談。則若輩識字過少。不能自達其意。且似有人在旁。禁勿與余交接者。忽於人叢中。覩一村學究。坐而觀書。視之。則新舊約也。問何業。曰在華傳教。有友在新嘉坡經商。招往教讀。問以同舟之人。有無猪仔。以未知對。余託密爲探訪。並勗以拯救同胞之義。欣然應命。越二日往訪。則一切諉爲不知。意甚落寞。蓋必押送猪仔之人。有所覺察。出而施其運動之伎倆。故至於此。余知偵探之術已窮。欲俟舟抵新嘉坡時。尾客之所之。觀其究竟。不幸途中有病斃者。舟將至時。泊口外。檢疫醫至。疑爲有疫。謂須將下艙客送病院。一一檢驗。於是客盡乘小舟往棋漳山。從此別去。不復相見矣。到新嘉坡。晤宋君木林。道及此事。宋君言昔孫銘仲任總領事時。有士人被誘至此。賣入他埠。充苦工。不勝凌虐。投函乞救。孫君爲之贖身者。凡十有八人云。新嘉坡華人。除領事外。無一御長衫者。短衣散袴。辮髮下垂。非中非西。別成一格。

華人街市。悉仍中國舊俗。有時循行數里並不見一洋房。目所觸者。中國之器物也。耳所聞者。中國之言語也。使吾民具有自治之能力。而國家更以殖民政策輔之。彼南洋羣島。焉不爲吾有者耶。

英人得新嘉坡。距今將百年矣。塵市之間。固極繁盛。而一出郊外。則深林密箐。中惟官路或鐵道。可通行人。餘則塗徑幾絕。叢莽中時見二三茅舍。爲土人蟄居之所。察其情形。實爲榛狂世界。從未經墾治者。豈英人之力。有所不及耶。抑故留餘地以安土人耶。抑治理之道。固有不能求速者耶。

由市中乘汽車行十四邁爾。易小汽船。渡一海峽。卽爲柔佛國境。新嘉坡故屬柔佛。嘉慶時割讓於英。畫江爲界。國有主。號蘇丹。奉回教。稱臣於英。國中政治。悉受英駐新嘉坡長官約束。今

蘇丹名摩哈密德亞利。年三十許。曾游學於英。其母亦歐種也。



柔佛國蘇丹


旅店臨江。距渡頭不遠。規制崇閎。悉仿歐式。蓋以館游歷之西人也。店中別有數室。號爲歐羅巴。巫來由人會所。聞蘇丹及其貴胄大臣。時來飲宴於此。冀得與白人相接。以矜其外交之能。與吾國京師所謂六國飯店者。殆復相似。

聞蘇丹所居。去余旅店不過三四邁爾。則此固柔佛都城也。而煙戶寥寥。土著尤少。余步行十餘里。街市絕短。而爲華僑占居者復十之七八。郊原之間。林木鬱鬱。目力所及。無一民居。道路寬廣。能行車。然皆新闢。人踪絕。余巫來由人秉性極情。觀此可信。

19094

旅店後爲一小山。山巔有兵房數所。亦洋房也。兵皆習洋操。約二三十人。有英軍官統帶。是日爲蘇丹卽位紀念之辰。營中高懸國旗。並分張各國旗幟爲飾。英軍官戎服佩刀。率所部兵士二十餘人。擎槍整隊。鵠立營前。鳴礮二十一響。爲蘇丹賀。若執禮甚恭也者。揣彼蘇丹之意。豈不謂吾國雖弱。亦居然有陸軍。且習洋操。且有外國軍官爲之訓諫。而已儼然居元帥之尊。詎不足以自豪。而不知土地荒蕪。戶口減削。生聚教訓之未講。而務爲此粉飾之事。外人之游其國者。且竊笑不止也。獨怪蘇丹固愚。而英人必故爲阿順。遣將弁爲之經營。且表示其尊崇之意。非戲謔也。蓋既爲本國製造軍火廠推廣銷路。而又爲本國軍官謀一噉飯之地。且可實行其監視之權。其用意可謂周至矣。

由旅店西行二里許。有蘇丹離宮。門前亦有守兵。擎槍植立。一巫來由僕。操英語。來導余。樓上爲蘇丹臥室。禁



柔佛回教禮拜堂

人游覽。余所至者。爲食堂客座及蘇丹治事之室。皆在樓下。時蘇丹並不居此。簾櫳寂寂。空閉而已。

離宮占地絕廣。纖草如茵。犁治平坦。宮旁有大殿。中爲高壇。壇前設長案一。坐位十。案上陳墨瓶鐵筆等亦十分。導者語余。此蘇丹及大臣會議之所也。殿前懸華文聯匾甚多。皆新嘉坡華僑祝賀蘇丹卽位者。几案塵積。別有一種蕭條景象。亦足爲小朝廷之代表矣。

柔佛地處熱帶。植物繁夥。宮中有花園絕大。奇葩異卉。不可勝數。一古藤枝幹繚繞。倒垂至地。鐵柱承之。結爲一亭。密葉濃翠。以代覆瓦。構制殊巧。必出自歐人之手。去園數百武。爲一

19095

總在百萬以外。徒耗民力。務飾觀聽。彼不知治道如蘇丹者。問無足責也。

陳設精雅。可容數百人。司事者言。新嘉坡賭禁綦嚴。每星期日及星期六。華商均至此遣興。今僅三閱月。收


回教禮拜堂。彩玻作牕。文石砌地。堂極寬廣。中惟香爐二事及教師講壇一座。餘無別物。統觀以上工程。所費

賭稅爲柔佛歲入大宗。業賭者皆華僑也。市中賭場林立。雜遝喧闐。入夜尤甚。余曾觀一最高等者。臨江築屋。

鐘樓圖



檳榔嶼海口



檳榔嶼植物園



入之款。已三萬餘圓。此外尙分設兩處。每月納稅於柔佛政府。凡八千五百圓云。合全境賭館計之。稅款誠屬不菲。其他如煙館妓院酒店。度無一不征重稅。柔佛政府。導吾民爲不正之營業。而復朘取其脂膏。固屬可恨。而吾民程度之卑劣。亦可見矣。

司威南距新嘉坡。僅一日程。入口後沿岸皆雜樹。每隔數里。於水次建小木屋一。皆歐人護視水標者。漁舟三兩。往來江上。取遠鏡視之。皆華人也。其地產樹膠極盛。既泊舟後。有小汽船拖數駁船自內港出。皆運樹膠附載吾舟者。其駕舟及起運貨物之事。亦皆華人任之也。檳榔嶼船埠。正對一鐘樓。前英后維多利亞卽位滿六十年。華裔釀資建此。以銘其功德者。吾國人慶祝君上之事。素極淡漠。而僑民獨於旅居之國之君。倍致其親愛之忱。豈無故歟。

檳榔嶼公園。依山爲址。風景天成。綜余此行所見者計之。當以此爲巨擘。山中草木蕃衍。分類栽蒔。足供植物學家之參考。故又有植物園之稱。半山瀑布倒垂。奔騰

直下。喧騰如雷。下有蓄水池數處。層層承注。池底滿鋪細沙。灑水使潔。引入管中。分布全市。以供居民飲汲。費小利溥。其法甚善。吾國有山泉處不少。宜仿行也。

(未完)